

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Lentsoe la Basotho le aheloa lesaka



2

Manane-thuto a arabelang lithoko

5



Alliance le MCC li ntlafatsa Maseru

8



EKA LI TLA BULOA LENYELE-NYELE

13



www.moeletsoabasotho.co.ls



KETEKELO EA LILEMO TSE MAKHOLO A MABELI SECHABA SA BASOTHO SE THEILOE

+266 28 350 466/
+266 6260 0983 WhatsApp
newsroom@moeletsoabasotho.co.ls
#PARARE DOMINO PLEBEM PERFECTAM

MOELETSI

Baithuti ba tla ba bohlokoa

Lentsoe la Basotho le aheloa lesaka



Lekala la Thuto le Koetliso le etse hloko ho ritsa ha boleng ba thuto kahar'a naha, 'me le ikelelitse ho theola lipehelo tsa ho thehoa ha Likolo tsa Likonyana e le ho bebofaletsa bana ho ba konyana selemo kaofela pele ba ea Sehlopheng sa Pele ho qala thuto ea mathomo. Joalokaha Sesotho se re e otlohoa e sa le metsi mohato ona ke oa bohlokoa haholo ha feela o ka sebelisoa ka nepo. Ho etsoe bonnete ba hore likolo tseo tse t'l'o ba ngata li fana ka thuto ea boleng, e se beng ba tsona ba ithuhise ka lichelete tsa mafutsana. Litichere tsohle li fuoe koetliso e nepahetseng, ho boeloe ho eteloe likolo tseo khafetsa ho hlahloba maemo. Ho ka boela ha etsoa likopano le batsoali ba bana ho fana ka maikutlo mabapi le sekolo hobane hangata litlaleho tse fanoang mohlomong ke beng ba likolo li ka pata bohlasoa kapa bothata bo sitisang tsoelepele.

Ka lehlakoreng le leng Lekhotla la Thuto (CHE) le ikemiselitse ho hlahloba le ho susumetsa hore manane-thuto a arabelang litlhoko tsa morao-rao a kenngoe tšebetsong. Sena se tla thusa ho fokotsa palo ea baithuti ba tšoereng mangolo a sa ba tsoeleng molemo hakaalo hobane ho se moo ba ka a sebelisang teng. Hape e boetse e tla tlosa sekhobo bathong ba ileng sekelelong, se tsoang ho ba sa se kenang ka le reng ha ho molemo ho kena sekolo hobane kaofela ba lutse hae ha ba etse letho. Tlhaloboa ena ea manane-thuto e tla thusa baithuti ba keneng sekolo Lesotho ho batla mosebetsi kapa ho ntšetsapele lithuto tsa bona habobebe, kaha mangolo a bona a tla ba le boleng le kantle ho naha.

Ho na le mafu a mangata ao re phelang le ona empa ka lebaka la ho hloka tsebo le ho sebelisa mekhoha ea khale ea boinahano a qetella a sa tsotelloe ho hang. Mafu ana a ama metsoalle le ba lelapa 'me bakuli ba ona ha ba ka fumana tšehetso e nepahetseng hoo ho ka fetola bophelo ba bona, hape ba ikutloa ba amohelohile kahar'a sechaba. Lefu la sethoathoa ha lea tloaeleha ebile ba batho bangata ha ba le tsebe, ka hoo ke khothaletso hore re ithuteng ka lona e le hore re tsebe ho thusa ba nang le lona.

Bolo ea maoto ea basali e hloka botšehetsi haholo naheng ea habo rona, ebile batho ba bangata ha ba na thahasello ea eona ho kenyeletsa le basali. Ka hona hoa khothatsa ho bona ho e-na le batho ba ntseng ba e tšehetsa ka ho otlala bana ba sa le banyenyane haholo lilemong. Taba ena e tla thusa ho aha sehlopha sa naha se nang le boiphihlelo 'moho le makejakejane a mafolofolo. Basotho tšehetsang bohle ba nkileng boikhathatso ba ho holisa talenta ea bana, hape ba ba qobisa lintho tse ka thunthetsang bokamoso ba bona.

Ho sa tsoa buloa feme e 'ngoe hape Maputsoe Seterekeng sa Leribe, 'me mookameli oa eona o re hara liqholotso tseo ba kopanang le tsona ke tlhokahalo ea metsi le motlakase o lulang o khaoha khafetsa ebe o ama tlhahiso. A etsa boipiletso ho 'muso o lokisa lintho ka malibohong hobane ba sokola ha ba lokela ho tšilisa lihlahisoa tsa bona le hoja ha ho buoa eka ho bapatalitsoe tsohle. Bohle ba fumaneng mosebetsing ke bohlokoa ho o baballa e le hore ba tlang ba tle ba tsoase.

Nthabeleng Seithleko

Tšusumetsa ea ho hatike-la Litokelo tsa Mantlha tsa Botho le khatello litabeng tsa lipolotiki e tliša tahlehelo ea boitsebo ba naha le bonngoe sechabeng. Tsena li boletsoe ke Motlatsi oa Tona-Kholo, Justice Nthomeng Majara, h'a khakola morero oa

Transitional Justice, ka la 15 Mphalane monongoa-ha.

O re Naha ea Lesotho e tsamaile leeto le seng monate ho tloha e fumane boipuso selemong sa 1966 moo e siileng maqeba ho mahlatsipa a nako eo, ka hona ho kena tšebetsong ena ho t'l'o thusa hore naha ho ba le khotso.

Letona la Toka le Molao, Mohlomphehi Rich-

so le Lipuisano (SIKO), o supile hore Setsi sa Leano la Lipatlisiso 'moho le Lekhotla la 'Mamekhatlo e Ikemetseng Lesotho ka morero ona ba tla netefatsa hore khatikelo ea Litokelo tsa Mantlha tsa Botho e ba pale ea maobane .

A re morero ona o tla nakong eo naha e ntseng e tsetselela khotso, ka hona ba tla sebetsa ka thata hore e fela e ba



ard Ramoetsi, o hlalositse hore morero ona ke tsela ea ho aha Lesotho le lecha kaha Basotho ba ile ba bua nakong ea liphuputso tsa khaho ea litaba tsa tlhopho-bocha, ka hoo lentsoe la sechaba le lokela ho utloahala le ho eloa hloko e le tsela e nepahetseng ea ho fetola bophelo ba sechaba.

Khabele Matlosa ho hlaha Setsing sa Lipatlisi-

teng, ba bone hore toka ea phethoa ho bohle bao e leng mahlatsipa. Ona ke oa selemo 'me o lebeletsoe ho bokella mahlatsipa a tlhokofatso malebana le lipolotiki ho a matlafatsa.

Hape o reretsoe ho khothaletsa khotso le toka kahar'a naha le ho tsebahatsa leano la poelano la Mokhatlo oa Linaha tsa Afrika.

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaana
(+266) 28 350 466/ sales@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakhuli@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

HO CHECHA HOA RAMO HASE HO BALEHA

Powering down to power up

Litonnoro tsa Morero oa Metsi a Lihlaba tsa Lesotho le Setsi sa Phehlo ea Motlakase sa 'Muela, li tla koaloa **HO TLOHA KA KHOELI EA MPHALANE 2024 HOISA KHOELING EA TLHAKUBELE 2025**, ka lebaka la litokiso. Nakong ena, phetiso ea metsi ho tloha Lesotho ho ea Afrika Boroa e tla emisa, 'me le Setsi sa Phehlo ea Motlakase se tla sitoa ho fehla motlakase.

RE TŠEHETSA BACHA



Tšelisothakholi

Nthabiseng Agnes Mabusana (24) ke e mong oa basali ba ntseng ba le bacha haholo lilemong ea nang le khoebo Sekoting, Khubetsoana ea ho loha moriri, ho kenya lintši le manala tsa maiketsetso le ho etsa letlalo botle, ho le hloekisa le ho le lokisa e bitsoang AM Beauty Solutions, a bile a ntsa a ntšetsa pele lithuto tsa hae tsa Medical LAB Technology ka tšebeliso ea marang-rang Naheng ea Malaysia. O boetse o thusa batho ho khabisa letlalo ka mofuta eohle ea li make-up. O ile a qoqa ha khutšoane le Koranta hore na o qalile lithuto tsa hae likolong life le ho e tekela e meng ea mesebetsi ea hae. Kajeno o re bolella ka tlhokomelo ea letlalo, 'me

koranteng e tlang o tla re qoqela ka ho kenya manala le ho loha moriri.

li la thuto ka kena se Phahameng sa 'Mabathoana sa mpha monyetla o moholo



Ke kene likolo tse seng kae ho matlafatsa lithuto tsa ka

Ke rata ho qala pele ka ho leboha Sekolo sa Likonyana sa New Millennium, se ileng sa qala ho mpha lese-

oa ho etsa lithuto tsa ka tsa Sekolo se Phahameng. Ka fetela Sekolong se Seholo sa Sechaba(NUL), ka etsa Lithuto tsa Phepo e Nephetseng(Nutrition). Hajoale ke selemong sa bobeli moo

ke ntseng ke etsa lithuto ka tšebeliso ea marang-rang.

Ke na le nako e khutšoane ke butse khoebo

Ka lebaka la ho shebana le lithuto tsa ka tsa tlhokomelo ea letlalo, ho fihlela ha joale ke na le nako e khutšoane haholo ke qalile khoebo ena ea ho loha moriri, ho lokisa manala le ho khabisa letlalo, empa nka re ka kakaretso ke na le likhoeli tse leshome ho isa selemong ke qalile mosebetsi ona. Mosebetsi ona re o etsa kaofela kaha re hlokometse hore ha se mosebetsi o hlabanang. Re boetse re bebofaletsa bareki hore ba fumane litšebeliso hau-finyane. Re sebetsa re le bacha ba bane ba nang le litsebo tse fapakaneng.

Ho hloekisa letlalo ke khoebo eo ke e ratang haholo

'Na mosebetsi oa ka oa mantlha ke ho kenya bareki manala, ho khabisa letlalo hore le be letle le ho le hloekisa. Ke sa khotsofetse haholo ke mosebetsi oo ke o etsang oa tlhoekiso. Ho etsa mosebetsi oa mofuta ona ke tlotla e kholo ho 'na. Re boetse re ruta le batho mekhoha ea ho sebelisa li-make-up ho etsa letlalo botle.


Bohlokoa ba ho baballa letlalo

Batho ba bangata ba lemoha bohlokoa ba ho baballa letlalo e se e le morao, le se le utloile bohloko. Basotho ba heso ho ipaballa ho molemo ho feta setlhare. Etsoe ea bohlale ke ea baballang letlalo a sa le mocha. Hantle-ntle le lona batsoali le tšoanela ho hlokomela matlalo a lona le a bana ho tlaha boseeng. Le hoja matlalo a batho a sa tšoane, batho

ba bangata matlalo a bona a ameha kapele ke lintho tse ngata.

Mekhoa ea ho baballa letlalo

Mekhoa ea ho baballa letlalo e mengata empa ke rata ho qolla e seng mekae. Oa pele ke ho boloka sefahleho sa hau se hloekile ka ho se hlatsoa bonyane habeli ka letsatsi. Hona ho thusa hore masobana a letlalo a se ke



a koaleha, 'me a qetella a ikentse makhopho(Black heads). Mekhoa oa bobeli ke ho ela hloko ho se sebelise metsi a futhumetseng haholo ha u itlhatsoa hoba a lahlisa letlalo mongobo oa tlhaho e be le ea omella. Nako e 'ngoe moo letlalo le lekang ho ingobetsa le qetella le le mafura ho feta tekano.

Mekhoa oa boraro oa bohlokoa haholo ke ho hlatsoa sefahleho sa hau ka matsoho, phapha-phaphatha ha bobebe ka 'towel' ho omisa sefahleho. U se hohlole letlalo hobane hoo ho ka etsa hore le utloe bohloko kapa le khophohe. Itloaetse ho itlota kamehla ha u qeta ho hlapa. Sireletsa sefahleho mahlaseling a letsatsi ka katiba kapa sekhele. Ithute ho noa metsi haholo hobane a thusa ho hloekisa letlalo.

Tseo u lokelang ho li hlokomela

Letlalo lohle le hloka ho baballoa haholo-holo karo-lo tse sa koaheloang ka liphahlo. Se ke oa kopanela 'li-towel' le batho ba bang, li kante letsatsing ho bolaea likokoana-hloko.

Keletso ho bacha

Bacha ha re baballeng le ho sireletsa matlalo a rona mochesong oa Lehlabula lena. Ha u sebelisa sekhele ela hloko ho se hlabise basebelisi ba bang ba tsela ka sona, haholo-holo moo sephethe-phethe sa batho se leng sengata. Bacha hlokomelang matlalo a lona le a bana.



Listen To Us Here

97.6 fm bokamoso Mafeteng, Mohale's Hoek, Qach's Nek, Quthing
97.4 fm bokamoso Maseru, Berea, Leribe
98.2 fm bokamoso Mokhotlong, Thaba Tseka, Butha Buthe

www.bokamoso974.co.za

Manane-thuto a arabelang litlhoko

Nthabeleng Seitlheko

Litsebi litabeng tsa thuto li re manane-thuto a susumetsang thuto tsa morao-rao a na le matla a ho fa baithuti mesebetsi le monyetla oa tlhahiso ea mosebetsi. Litaba tsena li

hlaheletse 'mokeng o neng o hlophisitsoe ke Unifesihi ea Botho, ka la 15 Mphalane monongoaha.

Motlatsi oa Mookameleli Unifesihi ea Botho Dr. Sheela Raja Ram o re manane-thuto a susumetsoang ke liqholotso tsa morao-rao tsa bophelo a nolofatsa thuto le ho netefatsa boiketlo ba sechaba le ho thusa hape hore naha e ka fihlella lipehelo tsa nt-

lafatso ea moshoelela haholo e reng thuto e anele batho bohle.

A khothaletsa baithuti ho etsa liphuputso metseng hore ba tsebe ho tla ka maano a arabelang litlhoko tsa sechaba tsa hona joale e le karolo ea tlhahiso ea mesebetsi.

Setsebi litabeng tsa thuto Dr. Lena Syma Elusi, o hlalositse hore manane-thuto a thehang ho entsoe liphuputso a thusa ntlafalong

ea boqapi le ho sebet-sa hantle kaha a arabela tlhoko ea sechaba. A re baithuti ba lokela ho kena metseng ka lihlopha ba fuputsa litlhoko tsa sechaba e le karolo ea ho kenyeletsa batho bohle liqetong le litabeng tsa boqapi.

Ka lehlakoreng le leng, Mookameleli oa Lekhotla la Thuto (CHE) Dr. Litšabako Ntoi, o hlalositse hore ba malala-a-laotsoe ho hlahloba le

ho susumeletsa hore manane-thuto a arabelang litlhoko tsa morao-rao a kenngoe tšebetsong, leha ho le ba lokela ho ipapisa le boleng ba thuto lefatšeng. A tsoelapele hore ho sheba boemo ba thuto ke ntho ea bohlokoa kaha qetelong ba hloka batho ba be le mangolo a boleng e seng a ka ba tsoelang molemo kahar'a naha feela empa a arabele tlhoko hohle lefatšeng.

Ba tšohla tsa mahlale

Nthabeleng Seitlheko

Naha ea Lesotho e thakhotse beke ea Afrika ea sethala sa bo-ramahlale ea ho tšohla Lipehelo tsa Ntšetsopele ea Moshoelella (SDGs), ka la 15 Mphalane monongoaha.

Baetapele ba sechaba ba bile ntsoe leng hore bacha ba ka ba le seabo ho atlehisa lipehelo tsena, ha ba fuoa sethala se nepahetseng le tšehetso molemong oa ntšetsopele ea Naha ea Lesotho.

Mokhatlo oa Scouts for SDGs le NEF Afrika, ba re sethala sena se thusa ho atlehisa merero ea bacha boqaping ba bona litabeng tsa mahlale, ebe ho mebuso ea Afrika ke ho atlehisa litaba tsa morero oa ntšetsopele ea moshoelella kaha e le lipehelo tse lokelang ho fihleloa ka selemo sa 2030.

Moemeli oa NEF Lesotho Letsatsi Lekhooa, o supile ha ho le bohlokoa hore bacha ba khobokane 'moho ho fihlela lipehelo tsena, molemong oa ho thakelana ka malebela ho ntlafatsa litsebo tsa bona ba le 'moho kaha bohlale bo sa ahele ntloana 'ngoe.

O re ha bacha ba ka sebetse 'moho ba tla tseba ho hlola liqholotso tsohle empa ha ba khetha ho itjara ba liehisa katle-

ho le meralo ea bona.

Mongoli e Moholo

re ba ntse ba ntlafatsa melao e tšehetsang litaba

marang-rang libakeng tse 'maloa joaloka makala a

thusa naha ho fihlela lipehelo tseo. A re ba khotha-



Lekaleng la likhokahanyo Lineo Ramanele, o itse ba sebetse ka thata ho tšehetsa bacha ho bona hore b'a ntlafala boqaping ba bona. Ha joale o

tseba mahlale, ebile ba se ba entse moralo o sireletsang litaba tsa boqapi o tla kenngoa tšebetsong. A re ho matlafatsa litaba tsena ba rata ho hokela

'muso.

Lebitsong la UNDP Lesotho Suleman Boukar, o re ho bohlokoa ho kenya tšebetsong moralo oa ntlafalo ea moshoelella ho

letsa hore ho be le sethala se shebaneng le litaba tsa liphuputso molemong oa ho tla ka meralo e ka thusang hore naha e tsoele pele

Sethoathoa ke qholotso



Mokhatlo oa Naha o shebaneng le Bophelo bo botle le mafu a sethoathoa o kopane le mafapha a litaba tsa bophelo kahar'a tikoloho e ka boroa ho Afrika hore lefu lena le lokela ho eloa hloko joaloka mafu ohle. Litaba tsena li boletsoe ke Mookameli oa Mokhatlo ona Nthabeleng Hlalele, ka la 15 Loetse monongoaha.

O re ke lekhetlo la pele Naha ea Lesotho e ba le moralo oa ho loantša lefu

lena le mafu a mang a amanang le lona ho qoba sekhobo le phano ea litšebeliso tsa bophelo tse ntlafetseng bakeng sa batho ba lefu lena. A re ke tumelo ea bona hore le tla phamoleloa holimo joaloka mafu ohle 'me lingaka tse lokelang li be teng.

Lebitsong la Moemeli oa Mokhatlo oa Lefatše oa Bophelo (WHO) Lesotho Dr. Messina Zbeco, o hlalositse hore ha se feela ho fana ka tšehetso ho ba-

tho ba lefu lena empa ke ho beha sechaba leseling ho qoba khoboso bakuling ba lefu lena.

A re ho bohlokoa hore

ba fumane litšebeliso tsa bopheli tse ntlafetseng, hape a bontša hore mosebetsi oa bona ke ho thusa linaha ho loantša mafu ka

ho fapakana ha ona 'me a keello ha se mokhelo.

Lebitsong la Lekala la Bophelo Dr. Azukuike Benjamin Nwako, o hlalositse hore lefu lena le teng, ka hoo lekala le sebetsa ka matla bakeng sa bophelo bo botle ba batho bohle le ho qoba sekhobo sa mafu afe kapa afe kahar'a sechaba.

E mong oa bakuli ba lefu lena 'Mampho Pitso, o hlalositse hore bothata bo boholo ke ho se amohelhe kahar'a sechaba, likolong le bosieo ba lingaka bo sitisang kalafo e nepahetseng.

O re o hloka ho etsa lintho tse phathahanyang keello ea hae, kaha a sitoa ha lefu lena le tsohile, ka hona o ipilelitse ho Lekala la Bophelo ho phamolela litaba tsena holimo hobane batho ba bangata ba na le bothata. Lefatšeng ke bonyane batho ba kaholimo ho 50 millione ba phelang le lefu lena.

If we wish for it, we must believe it

When we look at our life and all that surrounds it there are things we wish to achieve or to have achieved by now. The most profound

question that we ask ourselves or asked by others remains, why haven't we achieved to our full potential? We have to realistic sometimes and admit that

some of the things we wish for don't come into being because we don't actually believe in them ourselves, therefore, their existence seems far-fetched. The energy we put doesn't match what we wish for because we have told our brains something different. Whenever we want anything in life we must make sure that there's a connection between what we desire and what we believe so that our energy levels are channeled towards the same direction.

What we wish for must first make sense to us before we can even think of selling it to others. We should be able to picture the end of what we want even before it's beginning. When we go out to pray for a rain we must carry an umbrella with a believe that when we are done praying it will start raining, thus, when we wish for anything we must prepare ourselves to receive, care for it and maintain it. When we want a car we must train ourselves to drive, build a garage or at least a shelter for that car, in that way we show that we believe in the reality of our dreams. Our dreams can only become a reality if we believe them, cherish them and nurture them.



Bohle ha re loaneng

Nthabeleng Seitlheko

Raliphatlalatso oa Mokhosi oa 'Ma Ngoana Pontšo Tumisi, o re o tšoenyehileke tšebeliso e holimo ea tai le lithetefatsi bacheng. O boletse tsena, ka la 13 Mphalane monongoaha

O re boemo bona ke bo hloabaetsang hobane bo susumetsa bacha ho kena litlolong tsa molao, joaloka ke bosholu, ho ameha ha bophelo bo botle ba kekello hoo ba qetellang ba seneyehetsoe ke bokamoso.

O bontšitse hore letšoele le beta poho, ka hona Basotho ba eme ba tšoarane ka matsoho ho namolela bana ba bona litabeng tsena, ho li thebela le ho li loantša kahar'a sechaba.

O re ho bohlokoa hore mafapha ohle a eme a sire-

letse sechaba sa kamoso sa naha ena, 'me bohle ba amehang thekising ea lithetefatsi ba nkeloe likhato tse matla tsa molao. O re ebang ho sa be joalo naha ha e na ho ba le sechaba se nang le boikemelo.

O itse lithetefatsi li qeta moruo oa naha, li ama likamano tsa ka malapeng hape li atisa le botlokotsebe. A re ho sa natsoe sekhobo seo batsoali ba bana ba sebelisang lithetefatsi ba kopanang le sona, ba lokela ho ba sireletsa hobane ha ho motho ea ka etsang joalo ntle le bona.

A ipiletsa ho sechaba ho fane ka menyenyetsi ho sepolesa ho fenyha boemo bona bo hloabaetsang hape ba boetse ba ntse ba susumetsa ka thata hore 'muso o kenya leano la thibelo ea lithetefatsi tšebetsong le melao e ntlafatsoe molemong oa Basotho.

Motlotlehi o etsa khoelehetso

Nthabeleng Seithleko

Motlotlehi Letsie III o entse khoelehetso mafapheng a fapakaneng a nang le seabo litabeng tsa kanetso ea lijo ho tsetela temong e le ho ntlafatsa tlhahiso ea lijo. Litaba tse na li hlahetse polelong ea hae, 'mokeng o ntseng o tsoelapele Naheng ea Italy, ka la 15 Mphalane monongoaha.

O itse tlhokahalo ea mesebetsi ho bacha 'moho le bofuma hoo sechaba se sitoang ho fumana lijo ka mefuta e fapakaneng ke ka lebaka la phetoho ea boemo ba leholimo. A qholotsa mafapha a ikemetseng ho tsetela mafapheng a fapakaneng a temo ho hlalisa mesebetsi, le ho thusa ho fenyha litlamorao tse bakoang ke phetoho ea boemo ba leholimo tse amang tlhahiso ea lijo masimong.

Moemeli oa Mokhatlo oa Letfatše oa Khoebisano Dr. Ngozi Okorjo – Jweaca, o sisintse hore mafapha a fapakaneng

a kenye tšebetsong maano a tla kenya letsoho tlhahisong ea mebaraka le tlhahiso ea lijo. A re mebaraka e lokela ho bulehela batho bohle molemong oa khoebisano le lisebelisoa molemong oa temo e ntlafatseng.

Leha phetoho ea leholimo e le qholotso o itse ba lokela ho tsoara ka thata ka linaha ho fapakana ho hlalisa lijo molemong oa ntlafalo ea moruo oa Naha ea Lesotho.

Mookameli oa Mokhatlo oa Temo (FAO), Qu Dongyu, o hlalositse hore ba sebetsa ka thata ho ntlafatsa litaba tsa temo hore ebe tse tsitsitseng molemong oa tlhahiso ea lijo le phepo e ntlafatseng sebakeng sa bohle kajeno le hosane.

O re lijo ke tokelo ea batho bohle 'me li lokela ho hlalisoa ho ipapisitsoe le lipehelo tsa boleng tsa sechaba.

'Moka ona o reretsoeng ho khothaletsa bacha ho phamolela litaba tsa kanetso ea lijo le temo holimo, o tla thusa ntlafalolong ea moruo oa linaha. Naha ea Lesotho e hloka botseteli

litabeng tsa kanetso ea lijo hore e tle fenyhe liqholotso tse phepo e fosahetseng.



'Muso o thuse basebetsi ba merafo

Nthabeleng Seithleko

Ho farela ha lichelete tsa Basotho ba sebelitseng merafong ho behile bophelo ba bona tsietsing, hoo ba bang ba hlokalang ho se litsieane tseo ba li fumaneng. Litaba tsena li boletsoe ke Mookameli oa Mokhatlo oa Basebet-

si ba mehleng ba Merafo Rantšo Mantsi, puisanong le Koranta ka la 16 Mphalane monongoaha.

O re boholo Basotho ha ba felloa ke mesebetsi naheng ea boahelani ba tšepisoa hore chelete tsa bona li tla ba sala morao, empa se makatsang ke hore melata e fuoa lichelete tsa eona hang-hang, ka hoo ketso ena e baketse Basotho bofuma le bofutsana hoo ba bang

ba sitoang ho phelisa malapa a bona.

Mantsi o re o tšoenyehile ke taba ena kaha ba fumana littaleho tse sisimosang nako le nako kaha ho na le e mong oa basebetsi ba mehleng ba merafo ea seng a e-na le bothata ba hlooho kamor'a ho fumana hore chelete ea hae e tsoile empa e lahlehetse ho motho ea sa tsejoeng.

O re Naha ea Lesotho

e lokela ho etsa melao le litumellano tse pholosang bophelo ba sechaba khahlanong le kholo-lumo ena e koenyang lichelete tsa Basotho. O itse tumellano ea ts'ebeliso 'moho ea linaha tsena e teng empa e se na karolo ea likotlo tse qobellang bahiri ho etsa se nepahetseng.

O re basebetsi ba merafo ke litaemane linaheng tse ling hobane ba tlisetse naha e joalo bophelo, haholo ntlafalo ea moruo. O re 'muso ona o teng o lokela ho loma bebebe o tsome lichelete tsa Basotho ho fenyha bofuma le tlala tse tjametseng malapa a nang le chelete tse faretseng.

O re e bang ba ka sobanya lifahleho ho tla thusa hore moruo o ntlafale metseng hobane Basotho ba sebelitseng merafong ba bangata 'me mesebetsi e ka theoha eaba bophelo ba Basotho ba fetoha. O re ba se ba hloka 'muso ho e loa-na hobane bona ba isoa holimo le tlaase, haholo batho bao e seng litho tsa mekhatlo.

A supa ba lekile ho ea

paramenteng ho isa litaba tsa bona ho litho hore melao e ntlafatsoe, empa e tsamaea butle le hoja e le molemong oa naha.

O itse Banka e Kholo ea Lesotho (CBL) e tlameha ho ba thusa kaha ho potoloha ha chelete eo kapa ho fihla ha eona ka bongata e tla thusa hore moruo o likolohe ha bobebe. A re marena a lokela ho kenyeletsoa litabeng tsena hobane ba tseba sechaba sa bona, hape ba koetlisoe le ho fuoa thuto hore ba lule ba e-na le manane a sechaba se sebetsang merafong molemong oa hore ba fumanehe ha bonolo.

O tsoetsepele hore ntho e 'ngoe e bakang tiehiso ea lichelete ke ho se fumane litokomane ka nako ho batho ba li hlokanang, 'me taba ena e etsa hore batho ba lule ba saletse morao litabeng tse ngata tse ba amang.

H'a phethela o ipilelitse ho 'Muso oa Lesotho ho phamolela taba ena holimo molemong oa kholo le ntlafalo ea moruo ho fenyha tlhokahalo ea mesebetsi le tlala tse tjametseng Basotho.



Alliance le MCC li ntlafatsa Maseru



Nthabeleng Seitlheko

Lekhotla la Motse-Moholo Maseru (MCC) ka kopanelo le Alliance Insurance Company, li tlabotse selekane sa lilemo tse hlano sa ntlafalo ea Motse-Moholo Maseru e le karolo ea ho kenya letsoho kholong ea moruo oa naha. Tsena li hlaheletse tšebetsong e neng e tšoareletse Maseru, ka la 15 Mphalane monongoa.

Mongoli oa Toropo ea Maseru Moea Makhakhe, o itse ba aha Motse-Moholo o hloekileng o nang le monyetla oa boipheliso bakeng sa metse ea Basotho le malapa a bona. A re ba na le seahlolo le banoitšokuli sa Lefielo hore ba hloekise libaka tseo ba sebeletsang ho tsona e be b'a lefshoa.

A re ho tloha Lifariking ho ea MASOWE le ho tloha Masianokeng, ba t'l'o felisa taba ea hore baitšokuli ba etsa bohlasoa, 'me Alliance e fane ka meqomo.

A re ba ntse ba tla tsoelapele ho sebetsa le baitšokuli hore moo ba namohang ba namohe, ba siruhe beng ba mabenkele ba tsebe ho hoeba kaha ba le bohlokoa joalokaha ba le bohlokoa. O re ba t'l'o ba tlosoa mamating a mabenkele, ba lese ho ipha libaka,empa ba ke ke ba lelekisoa hore ba se ke ba sebetsa kahare ho naha hobane ha ho motho ea ba hlohileng.

Raliphatlatso ebile e le Mokena-Lipakeng Alliance Insurance Company, 'Mali-

makatso Mokobocho o itse selemong sa 2016 mokhatlong oa habo ho ile ha tsoaloa morero o bitsoang U Mang? A re selemong sa 2023 mokhatlo o ne o qeta lilemo tse 30 e thehiloe ebile o anetse litereke tse 10.

Ea buileng lebitsong ea Mookameli oa Alliance Lehana Setšabi, o itse Alliance le MCC li tekana selekane sa lilemo tse hlano empa e bang ba khahloa ke mosebetsi ba ka tsoelapele ka ona. O re e le bajaki ba Maseru ba hloka ho phela sebakeng se hloekileng, ka hoo Alliance e t'l'o phallela MCC ka literaka tse peli tsa lithole tsa boleng ba M1.7Millione teraka ka 'ngoe hape ba tla boela ba fana ka meqomo ea lithole.

A tsoelapele hore bahoebi ba banyenyane, ba t'l'o etsetsoa mekuku ea boleng,

hape ba boetse ba t'l'o nchafatsa matloana, boemelo ba likoloi tsa baeti, libaka tsa boithabiso tse Ha Hooхло, AME le Victoria, e le hore ho be le marang-rang a mahala ho thusa hore bacha ba hokele marang-rang ha bonolo.

A re ba tla thusetsa tabeng ea tokiso ea likoloi, baqhobi empa basebetsi ba tsamaeang le teraka e tla ba boikarabello ba MCC, ebile tebello ke hore Ofisi ea Majoro e tla sebetsa le libaka tsa baitšokuli tse teng. O re MCC e bone hore metsi a lefshoa khoeli le khoeli, 'me ho netefatsa hore tsena tsohle li'a phethahala ba tla ba le kopano khoeli le khoeli.

Majoro oa Teropo e Kholo ea Maseru Motlalepula Sepipi, o itse chebahalo ea libaka tsa bona e t'l'o ntlafa-

la le matloana a t'l'o sebetsa hantle. Ka hona a leboha Al-

sechabeng le ho bona hore ntlafalo ea toropo e ba ea



liance ka tšebetso ena kaha e le ho khutlisetsa molemo


boleng hore qetellong e tle e nyolle moruo oa naha.





MOB KIDDS EDUTAINMENT

Puzzle MOB 92-4557



HO EA TLAASE

- 1 Mathatana a linku kapa a lipoli (8)
- 4 Botona ba thokoana (6)
- 5 Ke phoofolo e kholo ea naha e litsebe, nko le maoto a matelele. (4)
- 7 Phoofolo e bopehileng joaloka katse e kholo, e boea bo bongata ho ea hlohong ho pota-pota sefahleho. (3)
- 10 Mebala ea liphoofole e sa ateng kahar'a seboko sa makhoakhoa ke khoaba, koebu le..... (7)
- 12 Bohobe bo sallang ka pitseng ha ho boptjoa lipolokoe (9)
- 14 Phoofolo e makhoarikhoari, e jang nama ebile e phela metsing. Basotho ba bang ba ana ka eona. (5)
- 17 Bakhatla ana ka..... (6)
- 19 Mose oa Sesotho sa kajeno o rokiloeng ka makhetho oa khabisoa (10)
- 20 Matlalo a liphatla tsa likhomo (7)

HO TŠEKALLA

- 1 Hangata noha ena e fumaneha maralleng, moferong oa joang bo ommeng joaloka meeling ea masimo.(6)

- 2 Ke mofuta oa katse e kholo e lulang merung, maralleng kapa moferong oa joang. (4)
- 3 Batho ba anang ka Mokopu (10)
- 5 Phoofolo e khlohali e bopehileng joaloka khomo, li mpa li fapakane ka hore khomo e manaka a mabeli hlohong. Phoofolo ena e na le lenaka le le leng. (7)
- 6 Lijo tse apehoang ke ngoetsi e sale ka matjeke (9)
- 8 'Mala o mofubelu o na le matheba a mosoeu, ke 'mala o mo.... (4)
- 9 Bohobe bo hlakolang leloala bo nt'o fua lintja (9)
- 11 Koena e 'mala o bothokoa bo.....(8)
- 13 Masimo a mothating (Selotheo) (6)
- 15 Libapali li lula li shebane ka mahlong. E koetlisa mahlo e le ho etsa hore ka le leng ha a shebile ntho e 'ngoe e se mophonyohe pele a e bona. Ho pheha..... (5)
- 16 Papali ea balisana e bapaloang Mariha ka melamu (5)
- 18 Sehahabi se se nang maoto empa se le kotsi ho ea se qalang (4)



TSA KEREKE

Kereke e getoa ke mollo

Staff

Mobishopo oa Parish ea Anthony ea Halalelang oa Padua, Tikolohong ea Iquique, Chile, Mohlomphehi Isauro Covili Linfati o fane ka mantsoe a khotatso le tšepo ho sechaba sa bakriste kamora hore Ker-

o fanang ka tšepo le ho khotatso sechaba, o boletse hore sebaka sa St. Anthony oa Padua ke sa bohlokoa haholo pelong le bophelong ba toropo ea Chile ka kakaretso. A re ho na le baena le likhaiseli tse baloang ka makholo-kholo tse nang le tlamahano e tebileng le sebaka sena ka lebaka la tumelo, lerato la bona le nalane e fuperoeng ke sona.

sebaka sa bona, "ha Molimo a rata nakong e tlang." A tiisa hore ketsahalo ena leha e le bohloko, empa o na le tšepo e tiileng ea hore e tla ba thusa ho lula ba kopana le ho ba ntho e le 'ngoe letsatsi ka leng.

O ile a boela a hopola ka mokhoa o khethehileng bara le barali ba Ma-Franciscan ba neng ba etsoa Naheng ea Belgium, ba ileng ba hloma Parish ena le batho ba



eke e etsang nalane ea St. Anthony oa Padua le ntl'oa ea Baitlami ba Franciscan li che lore! Ka la 16 Mphalane 2024. Sesosa sa mollo ha se e-s'o tsejoe, 'me lipatlisiso li ntse li tsoelapele.

Molaetseng oa hae oa

A khotatso bakriste hore leha ba feta har'a lintho tse thata tsa bophelo, ba amohele ho phela nakong ena e bohloko ea tšiamo ka lebaka la tšenyiso ena. A re sena se tla ba thusa ho boela ba tsosa bocha

Chile le Peru, lilemong tsa mogoaha-kholo oa bo-20, kaha ba ile ba kenya letsoho ho holisa sebaka seo hore e be sa bohlokoa lipelong le bophelong ba bona.

-CNA-



2023-2024 SELEMO B

Sontaha sa 29 har'a selemo



Isaia 53,10-11

Pesalema 32

Ba-Heberu 4,14-16

Mareka 10,35-45



Khotatso

Ha re tšoareleng tšokolohong

Libe tsohle tsa lefatše li'a nyonyeha mahlong a Morena Molimo, 'me li ithokela feela sehlabelo ho li hlakola. "Molemong oa rona o mo entse hore a be sebeng, e le hore ka eo ea neng a sa tsebe sebe re tsebe hoba ba tšoanelang ho Molimo." (2 Ba-Korinthe 5:21) Jesu Kriste o ile a jara bobbe le mafu ohle a lona hobane a entsoe "sehlabelo sa libe tsa rona, empa e se tsa rona feela le tsa lefatše lohle." (1 Joannes 2:2)

Ngoan'eso lintho tsohle tse etsahalatseng Kriste ho tloha nakong ea ho tšoaroa ha hae ho isa lefung la sefapano, o li amohele ka boikhetlo ba hae molemong oa e mong le e mong oa rona e le hore re be ba tšoanelang 'Musong oa Morena. Ka la 14 Phato 1941 Maximilian Kolbe ea halalelang o ile a shoa ka lebaka la tla molemong oa ntate e monyenyanane hore a phele. Ketso ena ke sehlabelo se seholo se bontšang lerato la Bokriste. Monna enoa o ile a fumana bophelo ba nama, empa seo Kriste a se entseng se feta se entsoeng ke Maximilian hobane ka eena bohle ha ba fumane bophelo ba nama empa bosafeleng 'Musong oa Morena. Ka Mali a tšolohileng a Morena Jesu, Molimo Ntate a ke ke a hlola a hopola libe tsa rona. (Isaia 43:25; Ezekiele 3:16)

Hangata lea ipotsa hore na hobane'ng Morena Jesu a sa arabele lithapelo tsa lona; lea rapela empa ha le kene Kereke, lea rapela empa ha le ipolele libe tsa lona, lea rapela empa ha le amohele Bohobe bo Bophelo e leng Eukariste e Halalelang. Ka ho se be maemong a grasia "le lokela ho tseba hore Morena h'a mamele baetsalibe, empa o mamela ba mo khumamelang ba bile ba pheta thato ea hae." (Joannes 9:31) Ka hona ha le batla lithapelo tsa lona li arabeloe iteheleng kapel'a Morena ka boikokobetso le bosebeletsi.

Evangelizing Joannes le Jakobo ba halefisa baratuoa ba bang ka ho kopa ho lula ka letsohong le letona le letšehali la Kriste Teroneng ea leholimo. Kriste o ba ruta ho nahana ka tsela ea moea 'me o ba joetsa hore ea ratang ho ba moholo kahar'a bona o lokela ho ba mosebeletsi, ebe lekhoba la bohle. Kriste h'a tlela ho tla sebeletsoa empa ho tla sebeletsa le ho fana ka bophelo ba hae molemong oa bohle.

Morena Molimo h'a ngola melao sebakeng sa maemo ohle ao le tla feta ho ona, empa o le file lipelo tseo a ngotseng melao ea hae ho tsona. O fane ka tumelo hore le phele ka eona le kelello e nepahetseng hore tumelo eo ebe ea sebele. Ka hona ha le thatafatsa lipelo tsa lona le sitoa ho bolela tumelo ea lona, le sitoa ho utloa Moea oa Kriste ha o le sebela melao oa Morena.

Bekeng ena bohle ha re shebeng mehopollo, mantsoe le liketso tsa rona hore na re feela re bolela kapa ho paka Kriste linthong tsohle. Ana re bontša teboho ho Morena ka seo a re etselitseng sona ka ho tela bophelo ba hae e le hore re tsebe ho ba le kabelo bophelong bosafeleng? Na ekaba re basebeletsi le makhoba a bohle e le hore mohla leeto la rona lefatšeng moo le felang, re balelloe ho ba tla nkeloa 'Musong oa Morena joaloka linaleli tse khanyang ka ho safeleng?

Bahalaleli har'a Beke

21 Mphalane

Cilinia

22 Mphalane

Mopapa John Paul II

23 Mphalane

Verus

24 Mphalane

Senoch

25 Mphalane

Fructus

26 Mphalane

Cedd

Se phahamisa folakha

Tšeliso Thakholi

Sehlopha sa Naha sa Papali ea Bolo ea Maoto ea Basali, Mehalalitoe 'Lipalesa tse Ntle' se tla emela naha le ho phahamisa folakha litlholisanong tsa Mohope oa Mokhatlo oa Bolo oa Linaha tsa Afrika e ka Boroa (COSAFA), tse tlang ho tsoareloa Gqeberha, Afrika Boroa ka la 22 Mphalane ho isa la 2 Pulungoana 2024.

Mehalalitoe e tlii' o tloha koano lapeng mafelong ana a beke ho leba Afrika Boroa moo e tlang ho simolla

papali ea eona ea pele le Sehlopha sa Zimbabwe ka la 27 Mphalane, Mokhahlelong oa D. Athe papaling ea sona ea bobeli e tla thulana le Mozambique ka la 29 Mphalane 2024. Ke naha e le 'ngoe ho tsoa mokhahlelong ka mong e tla finyella mokhahlelong o hlahlamang oa seka-makhaola-khang ka la 31 Mphalane. Ha tse peli tse tla hlola li tla fetela ho makhaola-khang ka la 2 Pulungoana 2024.

E bang mehalalitoe e ka hla ea qeta ka Zimbabwe e sa le sethathong, sena se ka tsosa libapali morolo le ho ipha



monyetla oa ho feta bolacha ho Mozambique. Le hoja Zimbabwe e na le ho hlorisa Lesotho haholo Mohopeng ona. Khetlong lena mokoetlisi ke e mocha e leng Shalane Lehlohla, eo Basotho ba behileng tšepo e kholo ho eena hore o tla tlisa liphetho kahare ho sehlopha sa naha, e le ho hlakola sekhobo sa nako e fetileng sa ho tlontolloa le ho soabisa Basotho

lipapaling tsa COSAFA. Maikutlo a barati ba bolo a fapakane tabeng ena ea mokoetlisi Lehohla. Ba bang ba re o bile le nako e khutšoanyane haholo a le kahare ho sehlopha, 'me o hloka ho fuoa nako ea ho se lokisa. Ka hona ha ba lebella se mohlolo lipapaling tseona tseo a tlang a li lebile. Athe ba bang bona ba re, Monghali Lehohla ke mokoetlisi

ea nang le boiphihlelo papaling ea bolo, ka hona ba lebeletse hore o tla sebetsa ka thata hore bonyane leha a ntse a le mocha haholo kahare ho sehlopha a mpe a se fihlise ho seka-makhaola-khang. "Sena se tla re bontša hore ho na le moo a ka isang sehlopha teng. Basotho ha re emeng ka maoto ho tšehetsa sehlopha sa rona." Ke bona bao.



Tšeliso Thakholi

Ba tšepisa limathi M200,000.00

Lebelo la pele le lehlo ka ho fetisisa tikolohong ea Afrika la boemo ba machaba la Mountain Marathon 21, la ho hloahloaela le methipoloho e phahameng ea lithaba le meepa e boima ea Setereke sa Qacha's Nek, le tla fana ka bokhothokhotho ba chelete e kalo ka M200,000.00 e le moputso oa pele ka mokhahlelong oa banna le basali.

Lebelo lena le tšehe-litsoeng ka lichelete ke Kampani ea Manti Sehloho Construction & Projects, le tliilo mathoa ka

la 26 Mphalane monongoaha. Le arotsoe ka mekhahlelo e 'meli e leng lebelo la boithapollo le boithabiso le buletsoeng Basotho bohle ka mekhahlelo e fapakaneng, ho kenyeletsa le bana ba lilemo li 14 ho isa ho 16 la bolele ba 5Km le tlang ho tloha Ha Mphahama ho leba Lebaleng la Melele. Le lona bahloli ka ho bahlankana le baroetsana ba tla kiba-kiba ka M3,000.00 mohloli ka mong.

Haele lebelo le lehlo le shebiloeng ka leihlo le nchocho la bolele ba 42.1Km le tlang ho tloha



Ha Nosi ho leba Lebaleng la Melele, bahloli ka ho banna le basali ba tlii' o ikhapela chelete e kalo ka M200,000.00 motho ka mong. Athe batho ba baholo ba lilemo li 40 ho ea holimo ba tlang ho hlahla boemong ba pele lehlakoreng la metsofe, ba tlang ho matha 42.1km ba tla iphumanela chelete e kalo ka M10,000.00. E le ho natefisa lebelo lena ho tla boela ho be le majo oa libaesekele o tlang ho thakhoha Ha Mphahama o ntse o fella Lebaleng la Melele.

Har'a limathi tse kholo tsa mabelo a boemo ba machaba ba lebeletsoeng o kenela lebelo lena, ho kenyeletsoa semathi se hloahloa sa Li-Olympic Ramakongoana ea seng a ntse a itokisetsa lebelo lena ka matla a maholo.

Ho ea ka bahlophisi ba lebelo lena, le tliilo tsoela limathi molemo o mohlolo kaha ba tlang ho sebetsa hantle ho lona, ba tla iphumanela lintlha tse tla ba thusa ho kene-la lipapali tse kholo tsa Li-Olympic le tsa World

Championship. Ba re takatso ea bona ke hore le tsoalle Basotho lintho tse kholo tse tla tlisa phe-toho bophelong ba bona. Haele bahoebi ba Setereke sa Qacha's Nek ba thoholelitse bohlophisi ba lebelo la Mountain Marathon 21. Ba re le tlii' o tli-sa menyetla e mengata ea khoebo e tliisoang ke bahahlauli kaha setereke se nang le libaka tse ntle tsa bohahlauli tse kang Sehlabathebe National Park le sebaka sa poloko ea linoha se bitsoang Snake Park.



E khitla Liponono maling a mpa

Tšeliso Thakholi

Barati le batšehetsi ba Sehlopha se secha sa Mokhahlelo oa A Division, sa Liponono ba khutletse hae Mohale's Hoek kola li le ka mahlong kamora hore bompoli ba A Division Nedbank Cup, e leng Members ba ba hlohlora ka thupa ea 2-1 papaling ea boraro ea Liki e bileng Machekoaneng tikolohong ea Mazenod ka la 12 Mphalane 2024.

Batšehetsi bana ba Sehlopha sa Liponono ba fihlile Lebaleng la Machekoaneng e sale nako, moea o phahame ba e-na le tšepo e tiileng ea hore joalokaha sehlopha sa bona se ile sa sebetsa hantle lipapaling tse peli tse simollang Liki ka ho shapa 05 United 3-1 le Mahlaseli 4-1 ka tatellano, ha ho potang le ho members se tliilo itsamaela bolacha. Ba ile ba kopana le pela li falla!

Members e neng e baba joaloka ka leshokhoa, e ile ea ikhapela papali eo. Sephunya-phunya-ne sa Members, e bile e le moetapele oa sehlopha



Lekhooa 'Mlani' Tšolo a e hakisa letanta metsotsong e leshome ea karolo ea pele ea papali. Ha ho setse metsotso e 'meli pele li ea khufutsong Tšoarello Hlalele a e beha kahare ea eba 2-0. Batšehetsi ba Liponono ba qalella ho lahla tšepo le ho nyahama lipelo kamora hore lintlha tsena tse peli li kene ka letanteng. Li ile tsa ea khufutsong e le 2-0.

Ha li kena karolong ea bobeli Liponono e ne e shebahala e se e fetotse tsela eo e neng e bapala ka eona. E neheletsana ka bolo ka mokhoa o bontšang hore e batla ho hlaba ntlha metsotsong ea pele ea karolo ea bobeli ea papali. Leha ba ne ba hlile ba sitisoa ke lebota le kamorao la Members ba qeteletse ba hlabile ntlha e ntle haholo ka leoto la

Mopeli Koloti. Batšehetsi ba Liponono e itse hoja e ka ba tla tsoha morolo ke ha molletsaphala a e letsa makhetlo a mararo eba ho felile ka Liponono. Ba khutlela hae pelo li le bohloko.

Motlatsi oa Mokoetlisi oa Sehlopha sa Liponono, Moshebi Matheatsie o itse leha ba lahlehetsoe ke papali ena, o motlotlo haholo ke tsela eo bahlankana ba

bapetseng ka teng. A supa hore joaloka sehlopha se secha kahare ho Liki ea A Division, ba ithutile hore Members e na le libapali tse nang le boiphihlelo kaha e le khale ba le teng kahare ho Liki. A tiisa hore ka mofuta oa libapali tseo a nang le tsona, tse sebetsang ka boitelo lihlopha tseo a tliilo kopana le tsona li t'o utloa ka letlalo.

Batsamaisi ba ntlafatsa bolo



Tšeliso Thakholi

Batsamaisi ba lihlopha tse hlano tsa bolo ea maoto ea banana ba finne selelu ho holisa le ho ntlafatsa bolo ea banana ba sa le lilemong tse tlase, ka ho khakola liki e ncha ea

banana e bitsoang Region V Women's Development League (RVDL), e seng e na le beke ea bobeli e ntse e bapaloa ka katleho e khohlo mabaleng a fapakaneng a tikoloho ea Mazenod.

Puisanong le e mong oa batsamaisi ba sehlopha sa Ladybugs, Monghali Tankiso Selialia o boletse hore morero o moholo oa ho

theha liki ea mofuta ona ke ho lokisetsa bana hore ha ba kena Liking e Kholo ea Women Super League isao, ba be ba le mala-a-laotsoe ho ka hlohlora le lihlopha tseo ba tlang ho qothisana lehlokoa le tsona. "Selemong se tlang re batla hore ha re kena kahare ho liki, libapali tsa be li e-na le kutloisiso ea ntho e 'ngoe le

e 'ngoe e etsahalang lihlopheng tse kholo." A rialo.

A re ho boetse ho ile ha fihla tlhokomelong ea bona hore Liki ea mofuta ona e'a hlokhala tikolohong ea habo bona ea Mazenod, e le ho otlala bana ba banana ba sa le lilemong tse tlase e le ho ba lokisetsa Liki e Kholo. A re takatso le taba-tabelo ea bona ke hore Liki e ncha

e se e tla bapala selemo le selemo kaha e reretsoe ho holisa le matlafatsa talenta ea bolo ea banana. "Leha re ka ba ra atleha ho kena kahare ho Liki e Kholo ha se libapali kaofela tseo re tlang ho li sebelisa kaha re e-na le sehlopha se seholo. Sehlopha se seng se tlasa ho Development League." O boletse joalo.

A tiisa hore Development League ha e-s'o be le botšehetsi, 'me o ile a ipiletsa ho batho bohle ba boithatelo bo bottle ho etsa letsoho la monna e le ho holisa bolo ea banana lilemong tse tlase. A re ha Liki e fihla pheletsong morero ke hore lihlopha tsena tse hlano tsa Liki e ncha li tla bapala 'moho ho tlotla libapali le ho bopa bonngoe kahare ho lihlopha.

Ho sa le joalo, lipapali tse ileng tsa bapala mafelong a beke a tsoa feta, ke moo Ladybugs e ileng ea halala Lifofo Ladies ka phafa ea 2-0 papaling e neng e bapalloa Lebaleng la Ha Ngoatonyane. Ha Rural Stars Ladies eona e ile ea sasara Pita Tigers Ladies ka 4-0. Athe Peace Makers Ladies e ile ea hlola Juventus 2-1 Lebaleng la Tsitsa. Haele mafelong ana a beke Rural Stars Ladies e tla bapala le Peace Makers Ladies ha Juventus Ladies e tla mona le Lifofo Ladies.

Ho ithehela sekolo ho ba bobebe

Nthabeleng Seitheko

Naha ea Lesotho e hlalosa e na le palo e fokolang ea Likolo tsa Likonyana, 'me sena se qhololitse Lekala la Thuto le Koetliso ho theola lipehelo tse behiloeng ho li ngolisa hore thuto e tle e anele bana bohle. Litaba tse-na li boletsoe ke Letona la Thuto le Koetliso, Prof. Ntoi Rapapa, 'mokeng oa bo-ral-itaba oa la 16 Mphalane monongoaha.

O re ba ikemiselitse ho hira litichere tse nang le litsebo le ho ntlafatsa lenane-thuto la likonyana. A re leano la 'muso ke hore haufinyane sekolo se seng le se seng sa be se e-na le sekolo sa likonyana leha ho se bonolo kaha ba hloka lithuso ho atlehisa morero ona.

O re morero ke ho fa ngo-

ana e mong le e mong ea haufi le sekolo monyetla oa hore a kene sekolo selemo pele a ea Sehlopheng sa Pele kaha ho na le bana ba Thuto le Koetliso le tla ea 'mokeng oa likonyana moo ho lebeletsoeng Linaha tsa Tikoloho e ka Boroa ho Afrika (SADC), ho tla tšohla ka



bangata ba qetellang ba ea Sehlopheng sa Pele ba sa qala likonyaneng hobane likolo li fokola.

Litaba tse-na tsohle li matlafalitsoe ka hore Letona la

botebo maoa a ka kenngang tšebetsong ke linaha ho ntlafatsa thuto ea likonyana ho tloha ka la 5 ho isa 8 Pulungoana monongoaha.

'Moka ona o buletsoe ma-

tona a mebuso ho hlaha linaheng tse fapakaneng, bahoebi le sechaba e le ho kenya letsoho ntlafatsong ea thuto ea likonyana. O boetse o tli' o thusa hore linaha li fihlele lipehelo tsa ntlafatso ea moshoelella tsa machaba a kopaneng tse buang ka thuto ka ho etsa meralo e ntlafatsang thuto ea likonyana.

Tebello ke hore mebuso e tiise e be e kenye melaoana e tsamaisang litaba tse buang ka ntlafatso ea maqhama le 'Mamekhatlo ea SADC e matlafatsang thuto ea likonyana.

Mookameli oa Litšebeletso le Meralo (NECDOL) MaLord Mefane, o hlalositse hore lithophiso tsa 'moka ona li hatetsepele, le hoja ba e-na le khaello ea bafani hore 'moka o tle o be le batho ba bangata. A re ba tšoarane ka matsoho le Lekala la Thuto le Koetliso ho bona hore litaba li tla tsamaea

hantle kaha ba rata ho bona thuto ea likonyana e anela bana bohle ho sa natsoe boleng, boemo le chebahalo.

O re ba hloka Likolo tsa Likonyana li be maemong a matle, litichere e be tsa boleng le thuto ho fanoe ka e matlafalitsoeng. Ha joale Lesotho le na le Likolo tsa Likonyana tse ka tlaase ho 50%.

Lipehelo tsa Ntšetsopele ea Moshoelella (SDGs), haholo ea bone e hlalosa hore thuto e anele le ho kenyeletsa bana bohle le ho phahamisa morolo oa thuto ea likonyana. Ha karolo ea 4.2 e shebane ka kotloloho le ntlafatso ea ngoana oa konyana hore bonyane ka selemo sa 2030 bana ba banana le ba bashanyana ba be ba kene sekolo sa likonyana e le ho ithophela ho ea Sehlopheng sa Pele sa thuto ea mathomo.

Tšeliso Thakholi

Sello se hlomola Letona



E le ho arabela sello sa phohomela sa tlhokahalo ea mesebetsi kahare ho Naha ea Lesotho, Letona la Khoebo, Mesebetsi e Mehola le Ntlafatso ea Likhoebo, Mohlomphehi Mokhethi Shelile o butse ka molao feme ea Jiao Yang, tšebeletso e bileng Setsing sa Lifeme, Maputsoe ka la 15 Mphalane monongoaha moo a boletseng hore lifeme tse ling tse peli tsa liphahlo le e 'ngoe ea lieta li tlii' o buloa pele selemo sena se kolumela.

Shelile o re mesebetsi oa bona oa mantlha ke ho bona hore lifeme lia buloa, "empa ho tla ba bonolo haholo feela ho lona ba seng ba fumane mesebetsi kajeno ho nahanela ba kantle ka hore le sebetse hantle le bookameli ba feme ena le bona

ba sebetse ka mofuthu le lona." A re ka ho etsa joalo bo-ramatsete ba bangata ba tla tla koano Lesotho ho tla tsetela, 'me tlhahiso ea mesebetsi e tla phahama. A tiisa hore ke maikemisetso a lekala la habo ho bona hore ba felisa tlala le bofuma ka hore sechaba sa Ba-



sotho se fumane mesebetsi. Ke hona tšebeletso ena moo letona le ileng la kopana le banna ba nang le litsebo tsa ho roka liphahlo, ba neng ba lla ka hore ba bona lifemeng ho hiroa basali feela, bona ba soelloa ka thoko. A ipiletsa ho batho ba hirang ho felisa tloaelo ena hang-hang, empa ho hiroe motho e mong le e mong ho latela litsebo tsa hae tsa mesebetsi.

Mookameli-Kakaretso oa LNDC, Mofumahali Puseletso Makhakhe o itse sepheo sa LNDC ke ho etsa tšalo-morao mesebetsing o moholo oa ho holisa botseteli kahare ho Naha ea Lesotho, molemong oa ntlafatso ea moruo oa naha. A re LNDC e fuoe botsoka-sephali hore e thuse 'muso oa Lesotho ho holisa moruo oa naha ka ho tlisa botseteli kahare ho naha.



A re pulo ea feme ena ke e 'ngoe ea litholoana tsa mesebetsi oa LNDC, o bonahalang o le teng, e fihletse boemo ba kholo ho nanabetsa mesebetsi oa eona le ho e ketsa lipalo-palo tsa mesebetsi. A re ha joale feme ena e qalile ka mesebetsi ba 100, 'me maikemisetso a eona ke ho hira mesebetsi ba 250. A re ba motlotlo haholo ho bona feme e seng e ntse e le teng kahare ho naha e boetse e atolosa tšebetso ea eona, kaha sena se tla hohelela batseteli ba bang ho tla Lesotho. A lebohela bohle ba atlehileng ho fumana mesebetsi le ho ba kopa hore ba baballe mesebetsi eo ba e filong le ho tšoa batseteli hantle.

Mookameli oa Jiao Yang,

Mongali Jonathan Huang o ipilelitse ho 'muso ho batlatsa mabala litabeng tsa khoebo le khoebiso bakeng sa ho tšelisa lihlahisoa tsa bona ha bobebe malibohong. A boela a etsa boipiletso hore 'muso o ba thuse ho arabela liqholotso tse kholo tseo ba kopanang le tsona, e leng tlhokahalo ea metsi Setsing sa Lifeme sa Maputsoe le ho khaoha ha motlakase khafetsa-khafetsa kaha sena se ama tlhahiso ea bona.

Mofumahali 'Mamachoabola Sekhochoa eena o ile a leboha lebitsong la mesebetsi. A re ba ikemiselitse ho sebetse ka thata ho holisa feme ena kaha kholo ea eona e tlii thusa ho ntlafatsa moruo le bophelo ba bona.